

plura variantia duo noto, quae mihi in *Cod.* praeplacent: unum: *ibi se alacriter expoliavit*, ubi edita: *ibi se lacerna birro expoliavit*; videtur enim τὸ birro redundans γλωσσημα, et lacerna ex alacriter fictum. Alterum, ubi edita legunt: *Corpus — in proximo positum est cum cereis et scolacibus &c.* rectius habere videtur *Codex: Corpus — in proximo positum est, per noctem autem — inde sublatum est ad ceteros (cereos) et scolares (Scolaces, Σκολακας, Funalia). Fol. 51.* resumuntur *Epistolae*, quae sunt *Felli 53. 21. 22. 8. 35. 41. 42. XXII.* igitur censet *Epistolas Codex*, quarum, quae hic *Oitava* est, perperam audit *Celerini responsio ad Lucianum de cura pastoris et ad obuiandum ydolatriam.* Rescribe: *Cleri Romani ad Clerum Carthaginensem de secessu Cypriani.* Sed et alia multa *Librarii* inscitiam urgent.

CCLXXVII.

U. 269 Codex membraneus lat. Sec. XII. inclinantis, Folior. nunc 135. f. caractere luculento eleganter exaratus, rubricis distinctus, et a. 1540. ab *Job. Fabio* Ep. *Vindob.* suo ad *S. Nicolaum* Collegio donatus continet *L. Caec. Firm. Laetantii Libros VII. Divinarum Institutionum.* Praescripta sunt p. 1. manu Sec. XIV. Notitia brevis *decem Sibyllarum*, tum *Elenchus Contentorum in Codice*, e quo liquidum fit, avulsum quondam ab eo fuisse *Traclatum de qualitate lune per menses, ferias*

et boras, Librum sompniorum danielis, et Narracionem de presagijs tonitruum; p. vero 2. manu, qua *Codex* ipse, *Judicia Hieronymi de Laetantio tria*, praevio *Honorii Augustod. L. I. Cap. 81.* quod *Nofter* compilatum ait *ex chronicis hieronymi. Gennadii. Ysidori. et Bede aliorumque.* In hoc numerantur *Laetantii ad Demetrianum Epistolarum Libri III.* cum in edit. *Fabric. Hieronymus II. Honorius VII. computet, Gennadius autem et Isidorus Laetantium* prorsus taceant. Succedunt mox *Capitula*, id est, *Tituli, librorum Septem Firmiani Laetantii*, et tandem p. 3. *Incipit liber 1^o — De falsa religione deorum. Magno et excellenti ingenio viri cum se doctrinae penitus dedissent &c.* Hoc *Libro* locus a verbis: *Quod si in uno exercitu, qui in Edit. Paris. 1748. 4. habetur T. I. p. 11. — 13. usque ad verba: etiam reges fuerunt, in quos cadere &c.* in *Codice* adjecto ad p. 4. folio manu Sec. XV. subpletus est. *Liber III. fol. nobis 55.* abrumpitur in his verbis: *huius itaque peruersae potestatis — quae habentur sub finem Cap. 29. edit. cit. p. 269. Libri ult. finis: premium uirtutis quod ipse promisit a Domino consequamur.* Sed adtexta est veluti *Peroratio*, quae examinata ad *Librum Laetantii de Opificio Dei* pertinet, cujus *cap. 19. edit. cit. T. II. p. 121.* partem constituit a verbis: *Illud quoque uenire in questionem potest &c.* ad verba: *quo uitam posset adipisci, a quibus ad illa Cap. 20. transfilit: Hec ad te deme.*

demetriane — ad beate uite statum (spectent) expectant; et mendis plena est. Correctior paullo est lectio ipsorum VII. Librorum cum edit. *suprac.* comparata. Margines per totum brevibus Summariis, observationibusque conspersi sunt, idque a triplici manu. Quae diligentissima fuit, Thomae nostri Haselbachii fuisse videtur, id, quod et Codex insequens suadet, quem vide.

II. fol. 128. p. 2. ἀδελφότης: Mens tua que et discere et multum discere cupit immenso sapientie amore succensa etiam aliud nobis opus quod efficere deberemus iniunxit hoc est brachmannorum consuetudinem uitamque monachorum &c. Retuli in Codice sequenti Exemplar Sec. XV. fortassis ἀπογραφον praesentis, ibique notavi, quae ad hoc Opusculum, ejusque Autorem pertinent. Ignoscendum Haselbachio, qui ad marginem adjecit: Credo istum libellum etiam lactantii fore ad eundem demetrianum ad quem supra.

CCLXXVIII.

U. 270 Codex chartaceus lat. Sec. XV. Folior. 313. f. non una perscriptus manu, rubricis distinctus, et pro libraria Collegij Ducalis, ut frons adferit, testamento relictus a Thoma de Haselbach saepissime memorato continet I. praemissis iis, quae Codice *praeced.* indicata sunt, Lactantii Libros VII. Divinarum Institutionum una cum Fragmento de Opificio Dei ex eo descriptos, et desinentes in ver-

bosam clausulam miniatam, qua finiti dicuntur: In vigilia Colomanni patroni austrie singularissimi anno — MCCCCXXXIII^o per Magistrum Johannem römer de wildo aput sacram Studij wyennen. uniuersitatem &c. Revidit illos, qui verisimiliter describi iussit, Haselbachius, notulisque adsperfit.

II. fol. 213. sequitur, ut in Cod. *praeced.* Opusculum de Bragmanorum habitudine, cui iterum sua manu praescripsit Haselbachius: Credo hunc libellum lactancij ad demetrianum de quo supra. At vero nactus interim alium Codicem adjecit commercium epistolicum inter Alexandrum M. et Dindimum Regem Bragmanorum fictum illud, ut videtur ad Plutarchi in Vita Alex. et Arriani de Expedit. Alex. L. 7. narrationes, quibus Δανδαμης Philosophus Indus est, neque nisi latine existens, quale habes in Ed. Bissaei Palladio de Gentib. Indiae, Lond. 1665. p. 85. 4. Perturbatus tamen in Codice ordo est, et Epistolae Bissaei 1. 2. 3. 4. 5. nobis procedunt 4. 5. 2. 1. 3. Interim Bissaei 5. quae hiat, e 3. nostra ita compleri potest: nonnunquam etiam suavitate odoris vel gustu dulcedinis aut contactus blanda mollitiae refovemur, quorum omnium suggerunt nobis elementa materiam, quae etiam vitae nostrae creduntur esse principia, quorum permixtione contraria humani generis &c. et in universum mutua Codicis et Editionis opera Exemplum multo perfectius confieri posset.